



Na graničnim prijelazima lišeno slobode 12 osoba

Pripadnici Jedinice granične policije Bosne i Hercegovine Strmica, 18. maja 2025. godine, lišili su slobode R.Č. (1978.), državljanina BiH. Naime, graničnim provjerama je utvrđeno da ga Općinski sud u Živinicama potražuje zbog krivičnog djela *Teška krađa*. Kontroliran je na ulasku u BiH na Međunarodnom graničnom prijelazu Strmica i predat službenicima Centra sudske policije u Kantonu 10 - Livno.

Dan ranije, 17. maja 2025., pripadnici Jedinice GPBiH Gradiška su lišili slobode D.Đ. (1998.), nakon što je utvrđeno da ga Osnovni sud u Kozarskoj Dubici potražuje zbog krivičnog djela *Krađa*. Državljanin BiH i Republike Hrvatske je kontroliran na ulasku u BiH na prijelazu Gradina i predat službenicima Okružnog centra sudske policije Prijedor. Uz navedeno, pripadnici ove jedinice su 16. maja 2025., prilikom ulaska u našu zemlju na prijelazu Gradiška, lišili slobode T.H. (1971.) jer je utvrđeno da ga Osnovni sud u Gradišci potražuje radi izdržavanja kazne zatvora. Bh. državljanin je predat službenicima Okružnog centra sudske policije Banja Luka. Prethodno, 14. maja 2025., pripadnici Jedinice GPBiH Gradiška su lišili slobode A.O. (1975.) jer je utvrđeno da je Ministarstvo unutrašnjih poslova Republike Srpske raspisalo potragu za njim zbog krivičnog djela *Krivtvođenje isprave*. Državljanin BiH i Republike Slovenije je kontroliran na ulasku u BiH na prijelazu Gradiška i predat službenicima MUP-a Republike Srpske. Također, 12. maja 2025., pripadnici ove jedinice su lišili slobode D.Đ. (1995.), na ulasku u našu zemlju na prijelazu Gradiška. Utvrđeno je da Osnovni sud u Gradišci potražuje ovog bh. državljanina radi izdržavanja kazne zatvora. Predat je službenicima Okružnog centra sudske policije Banja Luka.

Pripadnici Jedinice GPBiH Brod, 17. maja 2025., lišili su slobode M.P. (1969.), nakon što je ustanovljeno da ga Osnovni sud u Banjoj Luci potražuje zbog krivičnog djela *Prevara*. Bh. državljanin je kontroliran na izlasku iz BiH na prijelazu Brod i predat službenicima Okružnog centra sudske policije Banja Luka. Prethodno, 14. maja 2025., pripadnici ove jedinice su lišili slobode M.K. (1985.), nakon što je utvrđeno da je Policijska uprava Visoko raspisala potragu za njim zbog krivičnog djela *Nasilje u obitelji*. Bh. državljanin je kontroliran na ulasku u BiH na prijelazu Brod i predat službenicima Policijske uprave Visoko. Također, 13. maja 2025., pripadnici Jedinice GPBiH Brod su lišili slobode E.R. (2002.) jer je ustanovljeno da je Policija Brčko distrikta BiH raspisala potragu za njim zbog krivičnog djela *Krađa*. Državljanin BiH je kontroliran na izlasku iz BiH na prijelazu Brod i predat službenicima Sudske policije Brčko distrikta BiH.

Pripadnici Jedinice GPBiH Trebinje, 16. maja 2025., lišili su slobode A.D. (1995.). Utvrđeno je da je Ministarstvo unutrašnjih poslova Kantona Sarajevo raspisalo potragu za njim zbog krivičnog djela *Šumska krađa*. Bh. državljanin je kontroliran na ulasku u BiH na prijelazu Deleuša i predat službenicima MUP-a Kantona Sarajevo.

Istoga dana, pripadnici Jedinice GPBiH Aerodrom Sarajevo, na letu iz Frankfurta, lišili su slobode N.Đ. (1975.) jer je ustanovljeno da ga Osnovni sud u Zvorniku potražuje zbog krivičnog djela *Nedozvoljena proizvodnja i promet oružja ili eksplozivnih materija*. Bh. državljanin je predat službenicima Okružnog centra sudske policije Bijeljina.

Pripadnici Jedinice GPBiH Orašje, 15. maja 2025., lišili su slobode R.O. (1975.) jer je utvrđeno da je Interpol Beograd raspisao potjernicu za njim zbog krivičnih djela *Napad/Zlostavljanje*. Državljanin Republike Srbije je kontroliran na izlasku iz naše zemlje na prijelazu Orašje i predat službenicima Sudske policije Suda BiH. Prethodno, 13. maja 2025., pripadnici ove jedinice su lišili slobode N.H. (1983.) prilikom ulaska u BiH na prijelazu Šamac. Utvrđeno je da Općinski sud u Živinicama potražuje ovog bh. državljanina zbog krivičnih djela *Nasilničko ponašanje* i *Teška krivična djela protiv sigurnosti javnog prometa*. Predat je službenicima Centra sudske policije u Posavskom kantonu.

COVID-19
Prelazak državne granice Bosne i Hercegovine



PRIJAVE GRAĐANA
(žalbe, korupcija, prekogranični kriminal)



ZAKON O SLOBODI PRISTUPA INFORMACIJAMA
Vodič: kako do informacija



NAJČEŠĆE POSTAVLJENA PITANJA



JAVNE KONSULTACIJE



O nama

Propisi

Informacije za građane

Odnosi s javnošću

Oglasi

Javne nabavke

Fotogalerija

Kontakti

Pratite nas na društvenim mrežama

